



Odbor za urbanizam i upotrebu lokalnog zemljišta

Broj: 04-GV-04-920/23

Sarajevo, 09.06.2023. godine

ZAPISNIK O RADU
26. SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 09.06.2023. godine

Prisutni:

1. Aida Koluder - Agić, predsjedavajuća
2. Elvedin Korora, član
3. Sandra Toskić, članica
4. Fikret Jakupović, član
5. Salih Išerić, član

Odsutni: Ismir Smajić, zamjenik Predsjedavajuće, Danijela Šahat, članica Odbora (najavljeni izostanci).

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Arijana Musić, ispred Gradske službe za urbano planiranje, investicije, stambene i komunalne poslove

Predsjedavajuća Odbora je u 15.05 sati otvorila sjednicu, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 25. sjednice Odbora za urbanizam i upotrebu i upotrebu lokalnog zemljišta, održane 19.05.2023. godine.

Na prijedlog Predsjedavajuće, jednoglasno je usvojen sljedeći dnevni red:

1. Informacija o statusu regulacionih planova koji su u proceduri u Gradu Sarajevu
2. Tekuća pitanja

TAČKA 1.

Informacija o statusu regulacionih planova koji su u proceduri u Gradu Sarajevu

Uvodno izlaganje i pojašnjenja dala je Arijana Musić, ispred Gradske službe za urbano planiranje, investicije, stambene i komunalne poslove.

U diskusiji su učestvovali Predsjedavajuća Odbora, Fikret Jakupović i Salih Išerić, članovi Odbora, odgovore na pitanja iz diskusije dala je Arijana Musić, ispred Gradske službe za urbano planiranje, investicije, stambene i komunalne poslove.



Elvedin Korora, član Odbora je zbog ranije preuzetih obaveza napustio sjednicu u 15.47 sati.

Poslije uvodnog izlaganja i diskusije, te sažetka Predsjedavajuće, Odbor za urbanizam i upotrebu lokalnog zemljišta je jednoglasno usvojio sljedeće **zaključke**:

1. Odbor za urbanizam i upotrebu lokalnog zemljišta upućuje inicijativu Gradonačelnici i načelnicima općina u okviru grada Sarajeva da aktuelnoj Vladi, odnosno Skupštini Kantona Sarajevo ponovo upute inicijativu kakva je bila upućena Vladi Kantona Sarajevo i Skupštini Kantona Sarajevo u prošlom sazivu, s ciljem davanja odgovora na probleme s kojima se susreću svi subjekti u planiranju, odnosno izvršavanju planova uređenja prostora na području grada Sarajeva, te da ukoliko to bude potrebno organiziraju i poseban sastanak sa nadležnima u Kantonu Sarajevo.

Obrazloženje:

Ranije upućenu inicijativu Skupština Kantona Sarajevo nije razmatrala budući da je u periodu kada je inicijativa bila u pripremi za razmatranje bio završen mandat Skupštine Kantona Sarajevo.

2. Odbor za urbanizam i upotrebu lokalnog zemljišta upućuje inicijativu Gradskom vijeću da zaduži Gradonačelnicu i Predsjedavajućeg Gradskog vijeća da organizira sastanak sa ministrom prostornog uređenja, građenja i zaštite okoliša Kantona Sarajevo na koji će biti pozvani i članovi ovog Odbora, a s ciljem rješavanja problema iz tačke 1. ovog zaključka.
3. Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Informaciju o statusu regulacionih planova koji su u proceduri u Gradu Sarajevu* i primi je k znanju.

TAČKA 2.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALA ODBORA

Aida Koluder-Agić, s.r.

Predsjedavajuća Odbora je u 16.10 sati zaključila rad 26. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.